

成績。而第其等次。所見小學。大率類此。

再述一米無諾農校。全校有田地山林總面積三百五十七海格。二海格。當中國十五畝零。合共約五千四百畝。學生三百七十人。初小高等畢業者。皆得入之。課以園藝耕作畜牧農事機器。若鋸木打米之類。各分兩組。上下午輪流受課與實習。擇學生能力充足者。授田使耕。名曰學生農夫。每兩人給以一犂一牛。令耕一海格。合建一宅居之。校舍皆學生所築。校具皆學生所製。有工廠。有銀行。有郵便局。有巡警。有裁判員。有音樂隊。有活動寫真館。皆學生爲之。余往參觀。飯於校長之宅。主中饋者校長夫人。而奔走供使令者。皆學生也。學生來自各省。分農場爲若干部。依學生所在之省分。如某省產某物。卽令習種某物。宿舍亦分省設置。工廠則學生出資本。公家給以機器。及一切用具。獲利以百分之十歸學生。百分之二十五歸公家。校立於荒地。開辦僅六年。已墾熟一百五十海格。賴以生活者。農夫工人得六萬人。學校經常費。皆取給於地之收入。計公家支出墾費六萬元。牲畜二萬元。建築二萬五千元。於此六年間。僅費十萬五千元。而其所得之效果。於教育上造成一良好之學校。教成五百七十之學生。爲推廣及改良農事之中心。與大影響於社會。於實業上。墾成百五十海格之地。養活六萬人之生命。戶不驚危。民皆樂業。前途進步。尙無限量。此亦經濟主義精能主義之一斑。而職業教育之明效大驗。

於此可見矣。

### 非立賓之華僑錄申報

余所見美國日本各埠華僑。未有如非立賓華僑事業之發達者也。全島各地僑民。約六七萬。其與非人感情之厚無論已。卽非政府之美人。亦頗蒙其重視。惟商人多。工人少。大商多。小商少。故流品整齊。而智識亦高尚。

華人在非島之商務。占全島百分之七十。種類以進出口業爲大宗。餘如航業米木酒布雜貨等。皆有之。雖小小島嶼。必有華人。又善經商。和平遷就。能合社會心理。設與非島人各開一店。人皆樂就華人之店貿易。去年統計營業稅之出自華人者。占百分之六十五。郵局則每一局。均雇用一華人。使閱信面之寫華文者。印花稅通知單。書華英西班牙三國文字。亦可見華人在非之勢力矣。旅非之華人。以福建漳泉二屬爲多。廣東人居至少數。初來皆赤手經營。不數年。遂以致富。蓋其利率厚。年息四五分。尙爲普通之率。現家產達千萬元以上者。十餘人。百萬者。數十人。每年以金錢寄回閩粵者。不下一千萬。雖其富力。較之南洋英荷各屬華僑。不無遜色。然其急公好義。慷慨樂輸。殊不甘居人後。有商會。有教育會。有善舉公所。有公共醫院。有公墓。有學校。有閱書報社。有日報館。有俱樂部。皆華僑以其自力創辦者。

公益機關。以善舉公所成立爲最早。當時即附設學校。迨辛亥革命之際。學校獨立。分設日夜課。即今之中西學校也。現有日課學生二百八十餘人。夜課二百七十餘人。校舍不能容。乃籌議建築新校。設商業中學。遂組織華僑教育會。推舉職員。分任募款。一日之間。募款至十二萬餘圓。未幾而集至十七萬餘圓。乃於塔虎脫路。以八萬餘圓購地十餘畝。從事籌備建築。至其經常費。於美政府所徵百分之一之營業稅項下。加抽二釐。年可得四五萬圓。此外尚有普智愛國中華學校。均由僑商擔任經費。今年下學期。並預定添設小學二三所。

華僑之經商於非島。大都子身遠遊。不攜眷屬。然爲繼承家業計。子弟及歲。往往攜至非島就學。藉資習練。以故華童入口之數。每期自廈門來者。率有數十名之多。致學校不足容納。但中等商家。炫於傭金之高貴。子弟略已長大。對於粗淺簿記。能識大略。即留店習業。以故就學者多。而畢業者少。觀中西學校報告。每學期舊學生去者多至四分之一。統計學生繼續肄業滿三年者。十不得一二。此等現象。令人感小學校注重職業科之必要矣。記者以是爲僑商言。大得其贊許。

非島華人之數。殊難確定。所謂六七萬者。據領事署調查所得數。其實華人與非島人混合者多。每聞人言。某名人之父。華產也。某名人之祖若曾祖。華產也。今儼然居非島重要地位。而絕不諱其祖宗之故籍。余輩赴非島農科大學歡迎會學生代表

演說。本島人民。其中皆含有多少華人之血云云。猶憶往歲游夏威夷。某君語余。此間華人與土人混合。獨能傳兩種善良之性質。而成爲優秀分子。他種人則否。此少年非立賓。倘於人種學上。不無多少研究資料乎。

非島宜農之地。得百分之二十四。已墾者僅百分之九。荒地尙多。利源待闢。而島民力有不逮。故有人提倡。弛禁華工入口。上下議院一部分之議員。在鼓吹中。米無諸農校長爲余言。非島農人工作。每日工資六角。而華人可得一元五角。其勤能固有過人者。日本人在非島者不多。總數僅數千。大都集資在鄉僻購地種蔗。注意擴張糖業。其志固不小也。

### 非立賓之文言政教風俗錄申報

非立賓既爲勇於改進之一少年。其與吾國關係。不惟其人民血統之混和。且其國體相等。壤地密接。研究東方近世史者。此爲必要之新材料矣。故更樂敘余所見一般之狀況。

非島有語言。無文字。就其語言。用羅馬字拼而成之。西班牙既握政權三百餘年。於是其民競讀西班牙文。習西班牙語。美取而代之。乃教英語。今公立各學校。觸處皆張條告。English不准用一言一字非英語。而一部分之華僑。又操其牢不可破之閩廣語。商店所用簿記皆華文。自施行營業稅。稽查者以不解華文。大感不便。勸用英文。而華商不允。即其土語